



易林卷第十五

三三巽上巽

温山松柏常茂不落鸞鳳以庇得其
懽樂

無註

之乾

采唐沫鄉要期桑中失信不會憂思
約帶

詩桑中篇云爰采唐矣沫之鄉矣
云誰之思美孟姜矣期我乎桑中

有鳥飛來集于宮樹鳴聲可畏主將
出去

無註

屯

仁政之德參參日息成都就邑入受

厥福

史記舜所居二年成邑三年成都
謂之都君修德行仁堯禪以天下

蒙

他山之儲與瓊為仇來攻吾城傷我
肌膚邦家搔憂

無註

需

齊負贖狸不聽我碎繫於虎鬚牽不
得來

無註

訟

一簧兩舌妄言諂語三姦惑虛曾母
投杼

一簧者即詩所謂巧言如簧兩舌
言不一也曾母曾參之母人有言

師

曾參殺人者曾母不信及三人言
之曾母投杼下機而走

薄行搔尾逐雲除水污泥為陸下田
宜稷

無註

比

天門九重深內難通明坐至暮不見

神公

無註

小畜

闇目失明耳闕聽聰陷入深淵滅頃
憂凶

頃當作頂周易大過上六過涉滅
頂凶無咎闕音遏

履

霧露早霜日闇不明陰陽孽疾年穀

大傷

無註

泰

三諧土廊德義明堂交讓往來享讌
相承箕伯朝王錫我玄黃

黃帝曰合宮堯曰衢室舜曰摠章
夏曰世室殷曰陽館周曰明堂在

國之陽箕伯即箕子武王伐紂遂
歸周封於朝鮮

否

爭雞失羊利得不長陳蔡之患賴楚
以安

史記孔子在陳蔡之間楚使人聘
之孔子將往拜禮陳蔡大夫謀曰
楚若用孔子則陳蔡大夫危矣於

是乃相與發徒圍孔子於野不得
行絕糧使子貢至楚楚昭王興師
迎孔子然後得免

同人

天旱水涸枯槁無澤未有所獲

無註

大有

陶朱白珪善賈息資公子王孫富利

不貧

陶朱即范蠡白珪名丹周人史言
能薄飲食忍嗜欲二人皆善賈貨
生息資財以致巨富

謙

龜厭江海陸行不止自令枯槁失其
都市憂悔為咎

無註

豫

黃鳥採蓄既稼不谷念吾父兄思復
邦國

詩小雅黃鳥篇云黃鳥黃鳥無啄
我粟此邦之人不我肯穀言旋言
歸復我邦族

隨

田鼠野雛意常欲逃拘制籠檻不得

動搖

無註

蠱

平國不君夏氏作亂烏號竊發靈公

殞命

陳靈公通於夏姬其子徵舒病之
出自旣射而中之事見宣公十年

臨

巨蛇大鱗戰於國郊上下閉塞君道

走逃

無註

觀

讒言亂國覆是為非伯奇流離恭子

憂哀

春秋左傳晉獻公嬖驪姬驪姬欲
立其子奚齊賂外嬖譖毀群公子

及世子申生恭子即申生也伯奇
尹吉甫之子也後母譖而逐之

噬嗑

鬱鬱映不明為陰所傷衆霧集聚共奪

日光

無註

賁

望城抱子見邑不殆公孫上堂大君

歡喜

無註

剥

三虫作蠱剗跡無與勝母盜泉君子

弗處

按史記鄒陽書里名勝母曾子不
入盜泉水名孔子不漱

復

車馳人趨卷甲相求齊魯冠戎敗於
犬丘

按春秋齊師侵魯戰于長勺車馳
卒奔齊師敗績事見莊公十年

无妄

欲訪子車善相欺詒桓叔相迎不見
所期

未詳

大畜

爭雞失羊亡其金囊利得不長陳蔡
之患賴楚以安

史記孔子在陳蔡之間楚使人聘
之孔子將往拜禮陳蔡大夫謀曰
楚若用孔子則陳蔡大夫危矣於
是乃相與發徒圍孔子於野不得
行絕糧使子貢至楚楚昭王興師

迎孔子然後得免

頤

歲暮華落陽入陰室萬物伏藏匿不可得

無註

大過

晨風文韞大舉就温過我城邑羿無所得

詩云歟彼晨風鬱鬱彼北林晨風鸛也羿后羿古之善射者

坎

時鵠抱子見虵何咎室家俱在不失其所

無註

離

隱隱大雷滂霈為雨有女癡狂驚駭

卷十五
十
隣里

無註

咸

無足斷跟居處不安凶惡為患

無註

恒

破筐弊莒弃捐於道不復為寶

無註

遁

三雞啄粟十雛從食飢鳶卒擊亡其

兩叔

無註

大壯

乘車七百以明文德踐土葵丘齊晉

受福

按春秋成公二年衛孫桓子曾臧

宣叔如晉乞師晉侯許之七百乘
卻克曰無能為役請八百乘許之
又僖公九年齊侯盟諸侯于葵丘
二十八年公會晉侯齊侯于踐土

晉

百足俱行相輔為強三聖翼事王室

寵光

三聖堯舜禹也

明夷

典策法書藏閣蘭臺雖遭潰亂獨不
逢災

漢官儀御史臺內掌蘭臺秘書

家人

四誅不服恃強負力倍道趨敵師徒
敗覆

四當作西按史記楚項梁西擊秦

破章邯引兵至定陶再破秦軍項
羽沛公大破秦兵於雍斬李由梁
益輕秦有驕色宋義諫弗聽秦悉
起兵益章邯擊楚軍大破之定陶
項梁死焉

睽

春陽生草夏長條肆萬物蕃滋充實
益有

無註

蹇

礫礫禿白不生黍稷無以供祭祇靈
乏祀

無註

解

褰衣涉河水深漬罷賴幸舟子濟脫
無他

無無註

損

宜行賈市所求必倍戴喜抱子與利
為友

無註

益

兄征東夷弟伐遼西大剋勝還封君
河間

無註

夬

初雖驚惶後乃無傷受其福慶

無註

遘

隨風乘龍與利相逢田獲三倍商旅
有功憧憧之邑長安無他

無註

萃

魚擾水濁寇圍吾邑城危不安驚恐
狂惑

無註

升

雖窮復通履危不凶保其明公

無註

困

坤厚地德庶物蕃息平康正直以綏

大福

易坤彖曰坤厚載物德合无疆書

洪範六三德曰平康正直

井

山水暴怒壞梁折柱稽難行旅留連

愁苦

無註

革

使塲築室身不庇宿家無聊賴殲我

衣服

無註

鼎

矢石所射襄公痢劇吳子巢門傷病不治

按春秋魯莊公八年齊襄公田于

震

貝立見大豕公怒曰彭生敢見射之豕人立而啼公懼墜于車傷足襄公二十五年吳子諸樊伐楚門于巢巢牛臣隱於短墻以射之卒

日月運行一寒一暑滌寵赫赫不可得保顛隕墜墮更為士伍

無註

良

宮門愁鳴臣圍其君不得東西

無註

漸

戴甕望天不見星辰願小失大福逃

墻外

無註

歸妹

天之所明禍不遇家反自相逐終得

和鳴

無註

豐

天陰霖雨塗行泥潦商人休止市無

所有

無註

旅

嘉門福喜增累盛熾日就有德宜民
宜國

無註

允

南山之陽華葉將將喜樂君子爲國
寵光

無註

渙

畫龍頭頸文章未成甘言美語說辭

無名

無註

節

嬰兒孩子未有所識彼童而角亂我
正事

詩大雅抑之篇云彼童而角實虹
小子註云彼謂不修德而可以非

人者是牛羊之童者而求其角也
亦徒憤亂而已

中孚

陰作大姦欲君勿言鴻鵠利口發患
禍端荆季懷憂張伯被患

未詳

小過

德之流行利之四鄉雨師洒道風伯

逐殃巡狩封禪以告成功

唐虞天子五載一巡狩巡狩巡行
諸侯所守之地也封土為壇除地
為禪古者帝王之興每易位而起
必封乎泰山所以告成功也

既濟

禹將為君裝入崑崙稍進陽光登見
溫湯功德昭明

大禹妣姓崑崙書註云即河源所
出在臨羌禹治水有功舜以天下
禪焉

未濟

五岳四瀆含潤為德行不失理民賴
息福

無註

三三兌上兌下

班馬還師以息勞疲後夫嘉喜入戶
見妻

春秋齊師夜遁有班馬之聲註馬
不相見故鳴班別也

之乾

踐履危難脫厄去患入福喜門見悔
大君

無註

坤

子鉏執麟春秋作元陰聖將終尼父
悲心

左傳哀公十四年春西狩於大野

叔孫氏之車子鉏商獲麟孔子作

春秋

屯

夾河為婚期至無舫搖心失望不見

所權

無註

蒙

天孫帝子與日月處光榮於世福祿

祉祉

無註

需

三人爭妻相隨奔馳終日不食精氣

勞罷

無註

訟

禹召諸侯會稽南山執玉萬國天下

康寧

史記禹南巡狩會諸侯於塗山執

玉帛者萬國

師

早霜晚雪傷害禾麥捐功弃力飢無
所食

無註

比

嵩融持戟杜伯荷弩降觀下國誅逐
無道夏商之季失勢外走

未詳

小畜

生有聖德上配大極皇靈建中受我以福

詩曰克配彼天莫匪爾極言后稷之德真可配天使我蒸民得以粒食者莫非其德之至也書曰建中于民又曰斂時五福用敷錫厥庶民言建中者立中道於天下也中者天下之所同有然非君建之則

民不能以自中而禮義者所以建中者也

履

下田陸黍萬華生齒大雨霖集波病潰腐

無註

泰

子畏於匡困厄陳蔡明德不危竟剋

免害

孔子過匡匡人以為陽虎而拘之
在陳蔡絕糧言聖人道全德備雖
遇患而不危殆也

否

有兩赤頭從五岳來謠言無祐趨爾
之林俯伏聽命不敢動搖
未詳

同人

當得自如不逢凶災衰者復興終無
禍來

無註

大有

朽根剝樹華葉落去卒逢大焮隨風
偃仆

焮音焰

謙

葛生衍蔓締絡為願家道篤厚父兄
悅喜

葛覃詩云為締為絡言后妃在父
母家則志在於女功之事

豫

東行求玉反得弊石名曰無直字曰
醜惡眾所賤薄

無註

隨

瞻白因絃鴛孱恐怯任力墮劣如蝟
見鵲偃視恐伏不敢拒格

史記龜策傳云狷辱於鵲郭璞曰
狷能制虎見鵲仰地淮南畢萬曰
鵲令狷反腹者狷憎其意而心惡
之也

蟲

瘡痍多病宋公危殆吳子巢門無命失所

春秋魯僖公二十二年宋襄公及楚人戰于泓傷股二十三年宋公卒傷於泓故也襄公二十五年吳子諸樊伐楚門于巢巢牛臣隱於短墻以射之吳子卒

臨

東山西岳會合俱食百喜送從以成恩福

無註

觀

舞非其處失節多悔不合我意

無註

噬嗑

南循汝水茂樹斬枝過時不遇
似如
旦飢

詩汝墳篇云遵彼汝墳伐其條枚
未見君子惄如調飢汝水出汝州

天息山

賁

公孫駕驪載遊東齊延陵說產遺我
紵衣

左傳鄭大夫子產吳公子季札嘗
聘與子產相得子產以紵衣獻之
季札

剝

乘輿八百以明文德踐土葵丘齊晉
受福

按春秋成公二年衛孫桓子魯臧
宣叔如晉乞師晉侯許之七百乘

復 邵克曰無能為役請八百乘許之
又僖公九年齊侯盟諸侯于葵丘
二十八年公會晉侯齊侯于踐土

雄處弱水雌在海邊別離將食哀悲
於心

書弱水既西柳宗元曰西海之山
其下有水散渙無力不能負芥

无妄

結網得解受福安坐終無患禍

無註

大畜

秋南春北隨時休息處和履中安無
憂凶

無註

頤

啓戶開門巡狩釋冤夏臺牖里湯文
悅喜

牖當作姜湯囚夏臺文王拘姜里
大過

符左契右相與合齒軋坤利貞乳生
六子長大成就風言如母

易乾坤生六子乾父坤母三男
坎艮三女巽離兌

坎

飢蚕作室絲多亂緒端不可得

無註

離

東壁飾光數闇不明主母嫉妬亂我
業事

東壁星名

咸

白茅醴酒靈巫拜禱神嗜飲使君
壽考

醴當作縮

書包匭菁茅荆楚有三脊茅祭則
用以縮酒也詩楚茨篇云神嗜飲
食卜爾百福

恒

范公陶夷巧賈貨資東之營丘易字
子皮抱珠載金多得利歸

遯

按史范蠡即陶朱公號鷓夷子皮
去越乘舟裝其輕寶珠玉浮海出
齊善營產業以致巨富營丘齊地

三殺五牂相隨俱行迷入空澤循谷
宜北經涉六駁為所傷賊

無註

大壯

大雄鵠延頸欲飛入關雨師洒道灑我
袍裘重車難前侍者稽止

無註

晉

中年蒙慶今歲受福必有所得榮寵
受祿

無註

明夷

祿如周公建國洛東父子俱封

書洛誥周公拜手稽首曰我乃卜

澗水東灋水西惟洛食我又卜灋

水東亦惟洛食其子伯禽封于魯

家人

安床厚褥不得久宿弃我嘉讌困於

東國投杼之憂不成災福

魯人有言曾參殺人其母不信及

卷十五 三十一
三人言之其母投杼下機而走

睽 蓄積有餘糞土不居

無註

蹇

心願所喜乃今逢時得我利福不離
兵革

無註

解

目不可合憂來搔足怵惕危懼去其
邦族

無註

損

福德之士懽悅日喜夷吾相桓三歸
為臣賞流子孫

夷吾齊相管仲也三歸臺名婦人

謂嫁曰歸一娶九女而備三姓

益

夏姬附耳心聽悅喜利以傳取

左傳成公七年夏姬鄭穆公女陳

大夫御叔妻巫臣嘗止子反取之

夬

叔迎兄弟遇恭在陽君子季姬並坐
鼓簧

無註

遘

徙巢去家南遇白鳥東西受福與喜

相得

無註

萃

舜登大禹石夷之野徵詣玉闕拜治

水土

書帝曰咨禹汝平水土惟時懋哉
石夷未詳

升

江河淮海天之都市商人受福國家
富有

無註

困

隱隱填填火燒山根不潤我鄰獨不

蒙恩

無註

井

闇昧不明耳聾不聽陷入深淵滅傾
凶憂 傾當作頂

周易大過上六過涉滅頂凶無咎

革

鳥鳴喑喑天火將下燔我館屋災及

妃后

春秋魯襄公三十年五月鳥鳴于
亳社如曰禧禧甲午宋大災宋伯
姬卒

鼎

十雌百雛常與母俱抱雞搏虎誰敢
難者

無註

震

營城洛邑周公所作世建三十年歷
七百福祐盟執堅固不落
周公作洛邑定鼎於郊鄠卜曰傳
世三十歷年七百出史記

艮

三人俱行別離將食一身五心反覆
迷惑

無註

漸

三虎搏狼力不相當如雉鷹格一發
破亡

無註

歸妹

養虎畜狼還自賊傷年歲息長疾君
拜禱雖危不凶

無註

豐

後時失利不得所欲

無註

旅

雉兔之東以理為傷見鷹驚走死於
谷口

無註

巽

秋蛇向穴不失其節夫人姜氏自齊復入

按春秋魯桓公夫人文姜有邪行復歸于齊故言秋蛇猶知向穴而不失其節文姜不守理而復歸于齊也

渙

鳥鳴巢端壹呼三顛搖動東西危魂不安

無註

節

命夭不遂死多鬼出宗妻子啼瘖早失其雄

無註

中孚

茆屋結席崇我文德三辰旂旗家受
行福

左傳三辰旂旗三辰謂日月星也

小過

羅網四張鳥無所翔征伐困極飢窮
不食

無註

既濟

天地城安積石爲山潤洽萬里人賴
其權

無註

未濟

銅人鐵柱暴露勞苦終日卒歲無有
休止

按史記秦鑄金人十二

三巽上渙

望幸不到文章未就王子逐兔犬蹄
不得

無註

之乾

焮風阻越車馳揭揭弃古退思失其
和節心憂惛惛

焮音颯惛音拙

坤

虵得澤草不憂危殆

無註

屯

兩犬爭鬪股瘡無處不成仇讎行解
邪去

無註

蒙

因禍受福喜盈其室求事皆得

無註

需

江多寶珠海多大魚疾行亟至可以

得財

無註

訟

二牛生狗以戌為母荆夷上侵姬伯
出走

二牛一作三年見坤之震一作三
馬生駒見否之姤

師

安息康居異國穹廬非吾習俗使我
心憂

安息康居皆外國名穹廬游帳也
其形穹隆故云出匈奴傳

比

行觸天罡馬死車傷身無聊賴困窮
乞糧

無註

小畜

羸程逐狐為人觀笑牝雞雄晨主作
亂門

書牧誓曰牝雞無晨牝雞之晨惟
家之索

履

為季求婦家在東海水長無船不見
所權

無註

泰

男女合室二姓同食婚姻孔云宜室
我家

無註

否

太微帝室黃帝所直蕃屏周衛不可
得入常安常存終無禍患

太微正衛十五星藩臣西將東相
南四星執中端左右掖門門內文
昌諸侯其內五星帝座又天文太
微為五帝之庭明堂之房

同人

賚金觀市欲買駢子猾偷竊發盜我

黃寶

駢音留

大有

三人俱行欲歸故鄉望邑入門拜見

家權

無註

謙

娶於姜呂駕迎新婦少齊在門夫子
懽喜

按春秋昭公二年夏四月韓須如
齊逆女齊陳無宇送女致少姜少
姜有寵於晉侯謂之少齊姜齊姓

豫

伯仲旅行南求大牂長孟病足請季
負囊柳下之貞不失驪黃

無註

隨

潔身白齒衰老復起多孫衆子宜利
姑舅

無註

蠱

獨宿憎夜嫫母畏晝平王逐建荆子
憂懼

嫫母黃帝次妃貌醜而賢建楚平王太子也費無極譖於王故建居於城父魯昭二十年太子建奔宋

臨

追亡逐北呼還幼叔至止而得復歸

其室

無註

觀

鳥飛無翼兔走折足雖欲會同未得

鑿功

無註

噬嗑

抱空握虛鳴教我賈利去不來

無註

賁

山作天池陸地為海

無註

剥

為虎所齧太山之陽衆多從者莫敢救藏

齧倪結切噬也

復

逶迤四牡思歸念母王事靡盬不得安處

詩小雅四牡篇云四牡駢駢周道倭遲又曰王事靡盬不遑將父又不遑將母

无妄

獼猴所言語無成全誤我白鳥使乾口來

無註

大畜

大飛不遠去卑斯內侍祿養未富

無註

頤

大尾細要重不可搖陰權制國平子

逐昭

春秋季平子逐魯昭公之事

太過

旦生夕死名曰嬰鬼不可得視

無註

坎

子畏於匡困在陳蔡明德不危竟免

危害

孔子過匡匡人以為陽虎而拘之

在陳蔡絕糧言聖人道全德備雖

遇患而不危殆也

離

畏昏潛處候時昭昭卒遭白日為世

榮主

無註

咸

白鳥銜餌嗚呼其子施翼張翅來從
其母

無註

恒

宮商角徵五音和起君臣父子弟順

有叙唐虞襲德國無災咎

唐虞堯舜有天下之號

遯

季姬踟躕望子孟城隅終日至暮不見

齊侯

詩云靜女其姝俟我於城隅愛而

不見搔首踟躕

大壯

鬼哭於社悲傷無後甲子昧爽殷人絕祀

書曰甲子昧爽王朝至于商郊牧野伐紂社稷遂迂商乃滅焉

晉

天子所予福祿常在不憂危殆

無註

明夷

比目附翼相恃為福姜氏季女與君合德

春秋桓公九年春紀季姜歸于京師註季姜桓王后也季字姜紀姓

家人

翕翕鞫鞫稍崩墮顛滅其令名

鞫音田

睽

折若殺目不見稚叔三足孤鳥遠去
家室

楚詞折若木以拂日号若木木名
在崑崙西極其華光照下地漢天
文日中有三足鳥目當作日鳥當
作鳥

蹇

羊腸九縈相推稍前止須王孫乃能
上天

解

坤厚地德庶物蕃息平康正直以綏
大福

易坤彖曰坤厚載物德合無疆書
洪範六三德曰平康正直

損

有莘外野不逢堯主復居窮處心勞
志苦

萃當作莘伊尹耕於有莘之野而
樂堯舜之道此言湯未聘之日

益

曾長景行來觀桑柘上伯日喜都叔
允藏

無註

夬

周師伐紂勝於牧野甲子平旦天下
大喜

書牧誓武王伐紂甲子昧爽王朝
至于商郊牧野又武成大賚于四
海而萬姓悅服

姤

卷五
五十一
踰江求橘并得大栗烹羊食炙飲酒
歌笑

無註

萃

弊筍在梁魴逸不禁魚父勞苦管莒
乾口空虛無有

詩云敝筍在梁其魚魴鰈敝壞筍
罟也詩人以敝筍不能制魚爲比

升

生有陰孽制家非陽遂送還牀張氏
易公憂福重凶

未詳

困

絕域異路多有怪惡使我驚懼思我
故處

無註

井

迷行失道不得牛馬百賈逃亡市空
無有

無註

革

雌鷩生雛祥異興起東雲龍騰民戴
為父

無註

鼎

壘壘累累如岐之室畜一息十古公
始邑

古公周太王之本號修后稷公劉
之業積德行義國人皆戴之熏鬻
之難去幽邑于岐山之下幽人曰
仁人也不可失也扶老携幼歸者
如市

震

瘡瘍疥搔孝婦不省君多疢贅四牡
作去

未詳

艮

羊頭兔足言羸瘦少肉漏囊敗粟利無
所得

無註

漸

薛篋從靡空無誰是言季子明樂減
少解末句云難逢道理

未詳

歸妹

妹為見熟敗君正色作事不成自為
心賊

無註

豐

四馬共轅東上太山駢驪同力無有
重難與君笑言

無註

旅

陰變為陽女化作男治道得通君臣
相承

無註

巽

南國少子材略美好求我長女賤薄
不與反得醜惡後乃大悔

無註

允

昭公失常季氏悖狂遜齊處野喪其
寵光

春秋昭公二十五年九月戊戌伐

季氏叔孫氏孟氏救之三家反攻
公巳亥公孫于齊次于陽州二十
六年三月公至自齊居于鄆三十
二年薨于乾侯

節

天山紫芝雍梁朱草長生和氣王以
爲寶公尸宥食福祿來處
芝靈草土和則生朱草百草之精

也王者德無所不通則生食之令
人不老又見醫馬詩公尸燕飲福祿
來成

中孚

牽羊不前與心戾旋聞言不信誤給
大人

未詳

小過

東山西山各自止安心雖相望竟未

同堂

無註

既濟

鹿求其子虎廬之里唐伯季耳貪不

我許

無註

未濟

三虎上山更相喧喚志心不親如仇
與怒

無註

三三坎上節

海為水王聰聖且明百流歸德無有
叛逆常饒優足

書禹貢曰江漢朝宗于海傳云猶
諸侯之朝宗于王也

之乾

虎响怒咆慎戒外憂上下俱搔士民

無聊

無註

坤

探巢得雛仇鵲俱來使我心憂

無註

屯

日望一食常恐不足祿命寡薄

無註

蒙

良馬疾走千里一宿逃難他鄉誰能

追復

無註

需

鵲巢烏城上下不親外内乖畔子走

矢頑

無註

訟

雲龍集會征討西戎招邊定衆誰敢

當鋒

無註

師

春多膏澤夏潤優渥稼穡成熟畝獲

百斛

無註

比

童妾獨宿長女未室利無所得

無註

小畜

四亂不安東西為患退止我足無出
邦域乃得全完賴其生福

無註

履

長寧理福安我百國嘉賓上堂與季

同牀

無註

泰

騏驎駮耳章明造父伯夙成季共成
霸功為晉元輔

騏驎駮耳皆馬名造父善御伯夙
趙成子兄成季趙成子衰也皆晉
文公名臣

否

張陳嘉謀贊成漢都主權民喜其樂
休休

漢張良陳平皆以奇計佐高祖平

天下

同人

大面長頸未解君憂

無註

大有

畏昏不行待旦昭明燎獵受福老賴

其慶

無註

謙

伯去我東首髮如蓬長夜不寐憂繫
心胷

詩衛風伯兮篇云自伯之東首如

飛蓬又曰願言思伯使我心痲註

云婦人以夫久役於外而作是詩

豫

朽條腐索不堪施用安靜候時以待

親知

同賦無註

隨

比目四翼相倚為福姜氏季氏與君
合德

未詳

蠱

履階昇墀登高崔嵬福祿洋溢依天
之威

無註

臨

奢淫愛畜神所不福祇靈憑怒鬼障
其室

無註

觀

大步小車南到喜家送我豹裘與福
載來

無註

噬嗑

東行西步失次後舍與陂作期不真
至夜乾侯野井昭君失居

按春秋昭公二十五年公孫于齊
次于陽州至于野井二十六年居
于鄆三十二年卒于乾侯

賁

喜樂抃躍來迎名家鵲巢百兩獲利

養福

詩鵲巢篇云維鵲有巢維鳩居之
之子于歸百兩御之兩一車兩輪
故謂之兩諸侯之子嫁於諸侯送
迎皆百兩也

剥

非理後來誰肯相與往而不獲徒勞

道路

無註

復

北虜匈奴數侵邊境

無註

无妄

征不以禮伐乃無咎從獲臣子霸功

不成

無註

大畜

景星照堂麟遊鳳翔仁施大行訟聲

作興

景星星之精也王者不私人以官

使賢者在位則見

頤

文明之世銷鋒鑄鏑以道順民百王

不易

無註

大過

鳥飛無羽雞闢折距徒自長嗟誰肯
為侶一本云不順其德自為凶咎

無註

坎

群隊虎狼齧彼牛羊道路不通妨農

害商

無註

離

商伯沉酒庶兄奔走淫女蕩失仁德
並孤

商伯指紂沉酒書言紂沉湎于酒
庶兄紂庶母兄微子也抱祭器歸
周淫女蕩失言紂冒亂女色以至

失國也

咸

三狸搏鼠遮遏前後當此之時不得
脫走

無註

恒

陶叔孔圍不處亂國初雖未萌後受
福慶

無註

遁

奮翅鼓翼翱翔外國逍遙北域不入
温室

無註

大壯

德音孔博升在王室八極蒙祐受其
福祿

無註

晉

大當變立權摘解患難霍然冰釋大國

以安

無註

明夷

羽動角甘雨續草木茂年歲熟

無註

家人

天所祐助福來禍去君王何憂

無註

睽

方咏宣口聖智仁厚釋解倒懸唐國

大安

方咏宣口前小畜之噬嗑作方咏

廣口義通唐國即陶唐

蹇

葛藟蒙棘棘不得實諛佞亂政使恩
壅塞

葛藟詩篇名蒙棘詩葛生篇云葛
生蒙棘歛蔓于域予美亡此誰與

獨息

解

皇母多恩字養孝孫脫於襁抱成就

為君

無註

損

積冰不溫北陸苦寒露宿多風君子
傷心

北陸日行北方黑道曰北陸

益

伯夷叔齊貞廉之師以德防患憂福

不凶

伯夷叔齊孤竹君之二子也武王
伐紂叩馬而諫義不食周粟語云
伯夷叔齊餓于首陽之下民到于
今稱之

夬

一雌二雄子不知公亂我族類使吾
心憤

無註

姤

主安多福天祿所伏居之寵昌君子
有光

無註

萃

千歲槐根利多斧盤樹維枯屈枝葉
不出

無註

井

宣髮龍叔為王主國安土成稷天下

蒙恩

宣髮黑白雜也春秋共工氏有子

曰句龍為后土后土為社事在魯

昭公二十八年

革

諷德誦功周美盛隆奭旦輔成光濟

冲人

詩雅頌周公所作旦周公名奭召

公名二人相成王冲人成王也書

云惟予冲人弗及知

鼎

三夜不寐憂來益甚戒以危懼弃去

安居

無註

震

思願所之乃今逢時洗澤故憂拜其
權來

無註

升

周師伐紂勝殷牧野甲子平旦天下
大喜

牧誓武王伐紂甲子昧爽王朝至
于商郊牧野又武成大賚于四海
而萬姓悅服

困

日走月步趨不同舍夫妻反目主君
失居

易小畜輿脫輹夫妻反目

艮

嚶嚶嘒嘒夜作晝伏謀議我資來竊

吾室

無註

漸

牛駢亡子鳴於大野申復陰徵還歸

其母說以除悔

無註

歸妹

王良善御伯樂知馬周旋步趨行中
規矩止息有節延命壽考

王良古之善御者伯樂古之善相
馬者此喻文王知太公之意

豐

釋然遠咎避患害早田獲三狐以貝
為寶

周易解九二田獲三狐狐者邪媚

卷十五 七十一
之獸三狐指卦之三陰也獲如能
變化除去之如田之獲狐也

旅

仁獸所處國無凶咎市賈十倍復歸
惠里

無註

巽

六目俱視各欲有志心意不同乖戾

生訟

無註

兌

傳說王良驂御四龍周徑萬里無有

危凶

傳說王良皆星名

渙

仲伯季叔日暮寢醉醒失期明喪其

貝囊卧拜道傍

無註

中孚

江有寶珠海多大魚亟行疾至可以得財

無註

小過

遠視千里不見所持離婁之明無益

於耳

無註

既濟

弱足則跟不利出門市賈無益折亡為患

無註

未濟

利盡得媒時不我來鳴雌深涉寡宿

獨居

未齊無註

中孚無註

濟通寶珠海各大意亟行疾至可以
陽天阻礙不除世間中實無益也

易林卷第十五

明無益

